

წყალტუბოს მუნიციპალიტეტის საკრებულო

გ ა ნ კ ა რ გ უ ლ ე ბ ა № __

2022 წლის __ ნოემბერი

ქ. წყალტუბო

წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის მიერ 2022 წლის II-III კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ანგარიში, წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის მიერ 2022 წლის II-III კვარტალში გაწეული მუშაობის შესახებ.

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის ანგარიში 2022 წლის II-III კვარტალში გაწეული მუშაობის შესახებ.
2. წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის მიერ 2022 წლის II-III კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრამის ქ. №11).

მოამზადა:

აპარატის უფროსი

გელა თათარაშვილი

შეთანხმებულია:

განყოფილების უფროსი

მაია ბერაძე

კომისიის თავმჯდომარე

რევაზ დიდავა



ს ა ქ ა რ თ ვ ე ლ ო
წყალტუბოს მუნიციპალიტეტის მერიის
სამხედრო აღრიცხვის, გაწვევისა და
მობილიზაციის სამსახური



წერილის ნომერი: **09-482231450**
თარიღი: **10/11/2022**

ადრესატი: წყალტუბოს მუნიციპალიტეტის საკრებულო

წყალტუბოს მუნიციპალიტეტის
საკრებულოს თავმჯდომარეს
ბატონ თეიმურაზ ჭეიშვილს

ბატონო თეიმურაზ,

წარმოგიდგენთ წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის მიერ 2022 წლის მეორე და მესამე კვარტალში გაწეული მუშაობის შესახებ ანგარიშს.

დანართი: 2 ფურცელი.

პატივისცემით,

გიორგი ჩაკვეტაძე

სამხედრო აღრიცხვის, გაწვევისა და მობილიზაციის
სამსახური-სამსახურის უფროსი

გამოყენებულია კვალიფიციური
ელექტრონული ხელმოწერა/
ელექტრონული შტამპი



ანგარიში-წყალტუბოს მინიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის მიერ 2022 წლის II-III კვარტალში გაწეული მუშაობის შესახებ

სამხედრო აღრიცხვის, გაწვევისა და მობილიზაციის სამსახური არსებული კანონმდებლობის შესაბამისად უზრუნველყოფს საქართველოს მოქალაქეთა სამხედრო აღრიცხვაზე აყვანას, სამხედრო სამსახურისათვის მომზადებას, სამხედრო სავალდებულო სამსახურში გაწვევის მობილიზაციისა და სამხედრო ძალების რეზერვთან დაკავშირებული საკითხების გადაწყვეტას.

მოგახსენებთ, რომ 2022 წლის II-III კვარტალში, პირველად სამხედრო აღრიცხვაზე აყვანილ იქნა სხვადასხვა წელს დაბადებული 73 მოქალაქე, გამწვევ კომისიაზე გამოძახებული წვევამდელებიდან, საქართველოს შემკრებ-გამანაწილებელ პუნქტში ჩაყვანილ იქნა 79 წვევამდელი, მათგან საქართველოს სამხედრო ძალებში გაწვეულ იქნა -16, სამხედრო სამსახურისთვის შეზღუდულად ვარგისად იქნა ცნობილი-49, დროებით უვარგისად 3, უვარგისი სამხედრო სამსახურისთვის-1.

გამწვევი კომისიის მიერ მიღებული გადაწყვეტილებით, შეღავათი გაუფორმდა: 102 მღვდელმსახურს, 87-სტუდენტს, 4-მოსწავლეს, 8-დედისერთას, 17-ერთშვილიანს და 3-ორშვილიანს, 70-წვევამდელს ერთიანი ეროვნული გამოცდების შედეგების გამოცხადებამდე.

პერიოდულად მიმდინარეობდა პერსონალური უწყებების დარიგება ქალაქის ტერიტორიაზე და მუნიციპალიტეტის სოფლებში, სავალდებულო სამხედრო სამსახურში გასაწევ წვევამდელთა პირადი საქმეებისა და დოკუმენტების მომზადება, რეზერვში ჩასარიცხ მოქალაქეთა ბრძანების პროექტის მომზადება და რეზერვში ჩარიცხვა.

231 - წვევამდელის მასალები გადაეცა პოლიციას- ვინაიდან საცხოვრებელი რეგისტრაციის ადგილზე ვერ მოხერხდა დაუწყება

54 წვევამდელზე, გადაეცა მასალები სასამართლოს - ვინაიდან დაუწყების შემდეგ არ გამოცხადნენ გამწვევ კომისიაზე.

მოხსნილია სამხედრო აღრიცხვიდან საქართველოს სამოქალაქო სერვისების განვითარების სააგენტოს მონაცემებით 2 გარდაცვლილი მოქალაქე, ასევე მოხსნილია და გადაყვანილია სამხედრო სპეც-აღრიცხვაზე-10, ხოლო საცხოვრებელი ადგილის რეგისტრაციის შეცვლასთან დაკავშირებით აყვანილია აღრიცხვაზე-5 მოქალაქე, ასევე გადაგზავნილია სხვადასხვა რეგიონებში რეგისტრაციის

შეცვლასთან დაკავშირებით 6 მოქალაქე. სასამართლოებიდან შემოსული 42 განაჩენის ასლის შესახებ შესრულდა შესაბამისი ღონისძიებები, გაიცა რეზერვისტის დროებითი სამხედრო მოწმობა 34-რეზერვისტზე.

საქართველოს შეიარაღებული ძალების გენერალური შტაბის წვრთნებისა და სამხედრო განათლების სარდლობა G-1 სამმართველოდან მიღებულია 142 პირადი საქმე.

წყალტუბოს მუნიციპალიტეტის მერის ბრძანების საფუძველზე რეზერვში გადაირიცხა ზღვრული ასაკის (27 წელის) შესრულების გამო 153 მოქალაქე, ხოლო სამხედრო სამსახურის გავლის შემდეგ 21 მოქალაქე

საქართველოს შეიარაღებული ძალების გენერალური შტაბის წვრთნისა და სამხედრო განათლების სარდლობა/ G-1 სამმართველოს უფროსის მომართვის საფუძველზე გაგზავნილ იქნა საქართველოს შეიარაღებული ძალების რიგებში გასაწვევად შერჩეულ კანდიდატთა 10- 3/საქმე .

კვარტლის განმავლობაში, ხდებოდა საქართველოს სერვისების განვითარების სააგენტოდან შემოსული წყალტუბოს მუნიციპალიტეტში მცხოვრებ მამრობითი სქესის პირთა სიების შედარება ანბანურ წიგნებთან, რომლებმაც გაიარეს რეგისტრაცია ან მოიხსნენ რეგისტრაციიდან და პირად მონაცემებში/სტატუსში მოხდა ცვლილება.

სამხედრო აღრიცხვის გაწვევისა და მობილიზაციის სამსახურის საქმისწარმოებისას, დამუშავდა (დოკუმენტების რეგისტრაციაში გატარება, რეზოლუციისათვის მომზადება, ადრესატებისათვის გადაცემა) 226 განცხადება, 201 შემოსული წერილი, იურიდიულ და ფიზიკურ პირებს გაეგზავნა 268 წერილი.

სამხედრო აღრიცხვის, გაწვევისა და მობილიზაციის სამსახურში შემოსული დოკუმენტაცია დამუშავებულ იქნა ელექტრონულად, ასევე მომზადდა მერის 45 ბრძანების პროექტი, 2 წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის ბრძანების პროექტი, გაგზავნილ იქნა 80 საფოსტო გზავნილი და შეიქმნა წვევამდელთა სამხედრო სავალდებულო სამსახურში გაწვევის 30 - ოქმი.